



Халқ сўзи

Ўзбекистон –
келажаги
буюк
давлат

2025 йил — АТРОФ-МУҲИТНИ АСРАШ ВА «ЯШИЛ» ИҚТИСОДИЁТ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2025 йил 12 август, № 163 (9058)

Сешанба

Сайтимизга ўтиш учун QR-кодни телефонингиз орқали сканер қилинг.



ВАТАН УЧУН, МИЛЛАТ УЧУН, ХАЛҚ УЧУН!

ТАДБИРКОРЛАР ВА ЎЗИНИ ЎЗИ БАНД ҚИЛГАН ШАХСЛАР УЧУН ҚУЛАЙ ШАРТ-ШАРОИТЛАР ЯРАТИЛАДИ

Президент Шавкат Мирзиёев якка тартибдаги тадбиркорлар ҳамда ўзини ўзи банд қилган шахслар учун қулай шарт-шароитлар яратишга оид тақдимот билан танишди.

Тадбиркорлиқни ривожлантириш мамлакатимизда стратегик вазифага айланган. Иқтисодиёт рагнақи, аҳоли бандлиги ва турмуш фаровонлигида бу соҳанинг ўрни жуда катта. Шу боис бизнес юритиш қоидалари соддалаштирилиб, қулайликлар ошириб берилмоқда. Рақамли технологиялар оммалашаётгани бунда қўл келаётир.

Буни давом эттирган ҳолда, шаффоф тадбиркорлик муҳитини шакллантириш, нақдсиз тўловлар учун қулайликларни кенгайтириш кўзда тутилмоқда.

Унга кўра, якка тартибдаги тадбиркорлар ва ўзини ўзи банд қилган шахслар учун 2030 йил 31 декабрга қадар махсус ҳуқуқий режим

жорий этилади. Уларни давлат рўйхатидан ўтказишдан тортиб ҳисоботни топширишгача бўлган барча асосий хизматларни бирлаштирувчи интеграциялашган рақамли платформалар яратилади. Жумладан, фаолиятни расмийлаштириш, банк ҳисобварақлари очиш ва бошқариш, солиқларни ҳисоблаш ва тўлаш, ҳисобкитоблар қилиш ва фискал чекларни шакллантириш ушбу рақамли платформалар орқали юритилади.

Бу тизимда электрон ҳамён очилиш тадбиркорларга даромадларини қабул қилиш, ходимлар, контрагентлар ва ташкилотлар билан ҳисобкитобларни амалга ошириш, солиқлар ва бошқа мажбурий тўловларни тўлаш имкониятини беради. Электрон ҳамёнга эга бўлган якка тартибдаги тадбиркорлар ва ўзини ўзи банд қилган шахслар учун банк ҳисобварақларини очиш ихтиёрий бўлади.

2025 йил 1 ноябрдан бошлаб, бу жараёнларда QR-код ва “tap to pay” технологиясидан фойдаланилади. Ҳужжатларни масофавий биометрия ва “SMS хабарнома” орқали электрон қалитсиз имзолаш мумкин бўлади. Бу маълумотлар қоғоз нусхадаги ҳужжатлар билан тенглаштирилади. “Қунийк тўлов” тартиби тажриба тариқасида жорий этилиб, ходимларга тўловларни электрон ҳамён орқали тўлаш имконияти яратилади.

2026 йил 1 январдан бошлаб, йиллик айланмаси 1 миллиард сўмгача бўлган якка тартибдаги тадбиркорлар ва ўзини ўзи банд қилган шахслар учун қулай шарт-шароитлар яратиш чора-тадбирлари тўғрисидаги қарорни имзолади.

Якка тартибдаги тадбиркорлар ва ўзини ўзи банд қилган шахслар учун айланмадан олинadиган солиқ ставкаси 1 фоиз миқдорда белгиланади.

Президентимиз бу тақлифларни маъқуллаб, якка тартибдаги тадбиркорлар ҳамда ўзини ўзи банд қилган шахслар учун қулай шарт-шароитлар яратиш чора-тадбирлари тўғрисидаги қарорни имзолади.

ЭЗГУ ТАШАББУСЛАР МАРКАЗИ

ЎЗБЕКИСТОН ЕТАКЧИСИНИНГ СИЁСАТИ
ҲАМКОРЛИКНИНГ ЎЗАРО ИШОНЧГА АСОСЛАНГАН
ЯНГИ АРХИТЕКТУРАСИНИ ШАКЛЛАНТИРМОҚДА



Юрган — дарё, дейдилар. Дарёлар оқиб-оқиб, ўз йўлида учраган воҳоя водийларга обиҳаёт бахш этади, чўлларни чаманзорларга айлантиради, боғу хиббонларни яшилликка буркайди. Йўл юрган, доим ҳаракатда, изланишда, интилишда бўлган инсон ҳам худди дарёлар каби бошқаларга эзгулик улашади, бунёд этади, яратади, яшнатади.

Мақсади сари интилган кишига “Йўлинг раво бўлсин!” дея тилак билдирилиши ҳам беҳиж эмас. Инсон қай манзил томон ҳаракат қилмасин, йўлнинг созлиги машаққатларни камайтиради, йўловчига қувват, руҳига куч, истакларига шижоат беради.

Демак, инсон организмни қон томирлари озуқа моддалари билан таъминлагани каби йўллар жамиятда маданий алоқалар, қадриятлар, маҳсулотлар, нарсас-буюмлар, товарлар, ахборот алмашинувида, умуман, тараққиётда ҳал қилувчи аҳамият касб этади. Йўллар қадим замонлардан бери тамаддунлар шаклланишида, халқлар ўртасида иқтисодий ва маданий алоқалар мустаҳкамланишида ҳал қилувчи ролни ўйнаб келгани шундан. Улар нафақат юкларни ташишга, балки билимлар, технологиялар ва маданий бойликларни алмашишга хизмат қилган.

■ Нигоҳ

Бош позицияларга қайтиш

Ўзбекистоннинг тарихий миссияси ҳамisha алоҳида бўлган. Эрамиздан аввалги III-II мингйилликлардаёқ бугунги Ўзбекистон худуди илк трансконтинентал йўл — Буюк Ҳинд йўлининг марказида жойлашган. Бу йўл Ҳинд водийсини Марказий Осиё — Бақтрия ва Хоразм билан боғлаган, сўнг Кавказорти ва Қора денгиздан ўтиб, халққаро савдонинг кенг тармоғига уланган.

Кейинчалик, антик ва ўрта асрлар даврида Ўзбекистоннинг марказдаги жойлашуви ўзининг афзаллигини яна бир бор намоён қилган — бу сафар Шарқ ва ўрбнинг йирик тамаддунларини бир-бирига боғлаган Буюк Ипак йўли доирасида. Унинг асосий йўналишларидан бири илм-фан ва савдо тараққиётининг рамзига айланган Самарқанд, Бухоро, Хива шаҳарлари орқали ўтган. Айнан шу ерда тамаддунлар алмашинуви юз берган, илм-фан, ҳунармандчилик ривожланган, маданият гуллаб-яшнаган.



Илҳом Туах ИЛЛИАС:

ЎЗБЕКИСТОН КАТТА САЛОҲИЯТГА ЭГА ДАВЛАТ

Шу йил 4-5 февраль кунлари Ўзбекистон Президентининг Малайзияга расмий ташрифи чоғида икки давлат ўртасидаги Стратегик шериклик йўлида ҳамкорликни чўқурлаштириш тўғрисида қўшма баёнот имзоланди. Давлатимиз раҳбарининг Малайзия Бош вазири Анвар Иброҳим билан ўтказган музоқаралари чоғида томонлар нефть-кимё ва кимё саноати, электроника, қишлоқ ҳўжалиги, “яшил” энергия ва зиёрат туризми каби устувор йўналишларда шерикликни янада ривожлантиришга келишиб олдилар. Белгиланган вазифаларни самарали амалга ошириш учун махсус “Йўл харитаси” ишлаб чиқиладиган бўлди.

■ Дипломат минбари

Малайзиянинг Ўзбекистондаги Фавкуллода ва мухтор элчиси Илҳом Туах ИЛЛИАС “Халқ сўзи” газетасига икки мамлакат муносабатларининг бугуни

ва истиқболлари, Куала-Лумпурда эришилган аҳдномаларининг ижроси ҳақидаги мулоҳазаларини тақдим этди. — Мен “Халқ сўзи” газе-

таси берган минбардан фойдаланиб, яқинлашиб келаётган Мустақиллик куни муносабати билан Ўзбекистон халқига, мухтарам Президент Шавкат Мирзиёевга ва мамлакат ҳукуматига самимий тилақларимни йўлламоқчиман.



12 август — Халққаро ёшлар куни

ХАЛҚИМИЗНИНГ ОЛТИН ФОНДИ

Ҳар йили 12 август санаси дунё бўйлаб Халққаро ёшлар куни сифатида кенг нишонланади. Ушбу байрам Бирлашган Миллатлар Ташкилотининг ёшлар масалаларига эътиборни жалб қилиш ҳаракатлари доирасида пайдо бўлди ва тузилма Бош Ассамблеясининг 1999 йил декабридаги резолюцияси билан белгиланган.



Мазкур санада навқирон авлоднинг глобал муаммоларни ҳал қилишдаги роли, ижтимоий-иқтисодий ривожланишдаги аҳамиятига яна бир бор ургу қаратиб келинмоқда. Шунингдек, уларнинг ютуқлари, ҳуқуқлари эътироф этилади, мавжуд муаммоларига ечим изланади. Бу кун ҳаёон ҳамжамияти эътиборини жамият тараққиётда ёшларнинг ўрни муҳимлигига қаратиш учун платформа бўлиб хизмат қилмоқда.

Мамлакатимизда ҳам мазкур санага алоҳида эътибор қаратилади. Зотан, ёшларни ҳар томонлама етуқ, билимли, салоҳиятли шахс, қомил инсон қилиб тарбиялаш давлат сиёсатининг устувор йўналишларидан бири сифатида қайд этилган. Президентимизнинг такрор ва такрор “Ёшлар — халқимизнинг, Ватанимизнинг олтин фонди”, дея таъкидлаши шундан.

Фахр билан айтиш керакики, бугун ёшларнинг барча ҳуқуқ ва эркинликлари, имконият ва манфаатларини ҳимоя қилишда ташкилий-ҳуқуқий асослар тобора такомил-



лаштирилмоқда. Айниқса, сўнгги йилларда юртимизда йигит-қизларнинг муаммолари изчил ҳал қилиниб, уларнинг орзу-умидларини рўёбга чиқариш, замон андозаларига мос таълим олиши, эмин-эркин яшаши, мазмунли ҳордиқ қилиши учун барча шарт-шароит яратилаётгани шу вақтга қадар мисли қўрилмаган тарихий қадамлардир.

Эътиборингизга ҳавола этилаётган ушбу “Энг гуллаган ёшлик чоғимда...” саҳифасида ҳам айнан ёшликнинг беқиёс куч-қудрати, унутилмас хотиралари, ҳаяжону меҳр-муҳаббатга бой лаҳзалари ҳамда юртимизда навқирон авлод вақилларига яратилаётган имкониятлар борасида сўз боради.

6-саҳифага қаранг. ➡

Йиғилиш

СУДЬЯЛАР ОЛИЙ КЕНГАШИ РАИСИНИ САЙЛАШ МАСАЛАСИ КўРИБ ЧИҚИЛДИ

11 август куни Олий Мажлис Сенати Кенгашининг мажлиси бўлиб ўтди. Уни Сенат Раиси Танзила Норбоева олиб борди.

Кенгаш мажлисида Ўзбекистон Республикаси Судьялар олий кенгаши раисини сайлаш масаласи кўриб чиқилди. Олий Мажлис Сенати Кенгаши томонидан Ўзбекистон Республикаси Президентининг тақдимида биноан Холмўмин Ёдгоровни Судьялар олий кенгаши раиси лавозимига сайлаш тўғрисида қарор қабул қилинди.

Шунингдек, мажлисда ўтган беш йил давомида Судьялар олий кенгаши томонидан мамлакатимизда суд ҳокимиятининг нуфузи ва самарадорлигини ошириш мақсадида амалга оширилган чора-тадбирлар ҳақида атрофлича маълумот берилди.

Таъкидланганидек, ушбу ислохотлар тизим фаолиятини сифат жиҳатидан янги босқичга кўтаришга, одамларнинг одил судловда бўлган ишончини янада мустаҳкамлашга хизмат қилмоқда.

Сенаторлар муҳокама этилган масала юзасидан ўз тақлиф ва тавсияларини билдирди.

«Халқ сўзи».

МЕҲНАТ БОЗОРИДАГИ ЯРАТУВЧАН КУЧ

Халққаро меҳнат ташкилоти маълумотларига кўра, жаҳонда иш билан банд бўлган 430 миллионга яқин ёшларнинг 50 миллиондан кўпроғи кам иш ҳақи тўланадиган иш ўринларида банд. Ривожланган мамлакатларда олий таълим муассасалари битирувчиларининг меҳнат бозоридаги ўрни ва рақобатбардошлиги давлатнинг таълим сиёсатини белгиловчи энг муҳим ижтимоий кўрсаткичлардан бири ҳисобланади. Унинг амал қилиши фақатгина битирувчиларни замонавий меҳнат бозори талабларига муносиб равишда тайёрлашга эмас, балки қандай мутахассислар кераклигини ҳам белгилаб беради.

Муносабат

Шу нуқтаи назардан, Ўзбекистон Республикаси Президенти раислигида олийгоҳлар битирув-

чиларини ишга жойлаштириш бўйича ўтказилган йиғилишда мазкур йўналишни тизимли ўрганишлар натижаси таҳлил қилинди. ➡ 4

ҚОНУН ТАЛАБИ БАРЧАГА БАРОБАР



Сенатор сўрови

Айнан шу масалада Олий Махлис Сенатининг Ёшлар, хотин-қизлар, маданият ва спорт масалалари кўмитаси аъзоси Малика Қодирхонова Ўзбекистон Миллий телерадиокорпорацияси раиси Абдурашид Жўрабоевга сенатор сўрови юборди.

Сўровда жисмоний имконияти чекланган шахслар учун инфратузилмавий шароитларни яхшилаш, хусусан, радиотармоқ объектиларида хавфсиз ва қулай меҳнат муҳитини таъминлаш масалалари кўтарилган.

Жумладан, Тошкент шаҳрида

олиб борилган ўрганишлар натижасида радио соҳасида фаолият юритувчи ташкилотларнинг моддий-техник ҳолатини яхшилаш борасида муайян ишлар амалга оширилганлиги, шу билан бир қаторда Ўзбекистон Миллий телерадиокорпорациясига қарашли Тошкент радиозашитириш уйи биносиди узоқ йиллардан буюн ўз ечимини қўйётган муаммолар мавжудлиги аниқланди.

Таъкидлаш жоизки, мазкур бино 1966 йилда қурилган бўлиб, 5 қаватдан иборат. Унда “Ўзбекистон”, “Ўзбекистон 24”, “Ёшлар” радиолари, “Маҳалла” телерадиоканали, “Ўзбектеlevision” ДУК, “Мақом” ансамбли фаолият юритмоқда. Бинодаги ягона лифт 1982 йилда ишга туширилган ва 41 йил мобайнида фойдаланиб келинган. Аммо 2023 йилдан бери ундан техник талабларга жавоб бермагани учун фойдаланилмайди.

Мавжуд тартиб-таомилларга кўра, агар лифт паспортда хизмат муддати кўрсатилмаган бўлса, ундан 25 йилдан ортиқ фойдаланиш мумкин эмас. Вазирилар Маҳкамасининг 2017 йил 6 октябрдаги қарорига мувофиқ техник регламентга жавоб бермайдиган лифтилардан фойдаланиш эса тақиқланган.

Бугунги кунда лифтнинг ишламаслиги натижасида бинода фаолият юритаётган 600 га яқин ходимлар, 2 мингдан зиёд радиозашитириш ва кўрсатувларда иштирок этувчилар, жумладан, ногиронлиги бўлган шахслар ва кекса ёшдаги ходимлар

жиддий қийинчиликларга дуч келмоқда.

Бундан ташқари, бионинг юқори қаватларида чиқиш учун ногиронлиги бўлган шахсларга зарур бўлган қулайликлар — пандуслар, махсус тўсиқлар ва ногиронлар аравачаси учун кўтаргич ускуналар мавжуд эмас. Бу эса меҳнат унумдорлиги ва меҳмонларга кўрсатиладиган хизмат сифатида ҳам салбий таъсирини ўтказмоқда.

Шунингдек, Тошкент радиозашитириш уйи мутасаддиларининг такрорий мурожаатларига қарамай, лифтни янгилаш ёки муқобил инфратузилмани жорий этиш юзасидан амалиётда тегишли чоралар қўрилмаган.

Сенатор сўровида ушбу муаммони бартараф этиш мақсадида лифт тизимини замонавий талаблар ва хавфсизлик меъёрларига мос ҳолда янгилаш, имконияти чекланган шахслар учун қулай шароитлар яратиш борасида амалга оширилаётган ишлар тўғрисида асосланган маълумот тақдим қилиш сўралган.

«Халқ сўзи».

АНДИЖОН

томонларда

Микро ГЭС қурилиши бошланди

Балиқчи туманидаги Ўрмонбек маҳалласидан ўтувчи “Катта Андижон” магистрал каналида микро ГЭС қурилиши бошланди. Лойиҳа фойдаланишга топширилгач, бир ойда 1 млн. кВт электр энергияси ишлаб чиқариш имконияти яратилади. Бунинг натижасида беш мингта хонадон узлуксиз таъминотга эга бўлади.



— Шу кунгача Улуғнор ва Избоскан туманларида шундай ГЭСлар қурилишида иштирок этдик, — дейди хитойлик инвестор Ли Жун. — Балиқчи туманидаги ушбу лойиҳани барпо этишда ҳам энг аввало, сифатга алоҳида эътибор қаратмоқдамиз. Зеро, микро ГЭС ишга туширилгач, узоқ йиллар давомида аҳолига беминнат хизмат кўрсатиши керак. 30 млрд. сўмлик лойиҳа қурилиши жорий йил якунига қадар давом этиши режалаштирилган.

Маълумот ўрнида айтиш лозим, 2024 — 2026 йиллар мобайнида Андижон вилоятида 790 та шу каби ГЭСларни қуриш режалаштирилган бўлиб, аини дамгача 6 та лойиҳа фойдаланишга топширилди.

Сув ҳам, пул ҳам тежалари



Мутахассисларнинг маълум қилишича, ўртача беш киши истикомат қиладиган хонадондаги сув жұмрағига ҳисоблаш мосламасини ўрнатиш орқали бир ойда 67 843 литр сувни тежаш мумкин. Истеъмолчи томонидан тўланадиган тўлов миқдори эса 5-6 баробарга иқтисод қилинади.

— Бу рақамларнинг ўзиёқ сув ҳисоблаш мосламаси нечоғли афзал эканидан далолатдир, — дейди “Андижон сув таъминоти” АЖ бўлим бошлиғи Хушнудбек Аҳмадалиев. — Шу боис вилоятда бу борадаги ишлар жадал давом этмоқда. Хусусан, жорий йилнинг ўтган даври мобайнида 43 062 та мослама ўрнатилиб, таъминотда аниқлик ва шаффоқлик йўлга қўйилди.

Айни пайтда вилоятда 309 608 та сув ҳисоблаш мосламалари ўрнатилган. Бу мавжуд аҳоли хонадонларининг 57,1 фоизини ташкил этади.

Ёшлар ва инновациялар маскани

Андижон шаҳридаги Ёшлар технопаркида юзлаб йигит-қизлар илм-фан, инновацион фаолият билан шугулланиш, замонавий касбларни эгаллаш, истиқболли лойиҳаларини амалиётга татбиқ этиш имконига эга бўлмоқда.



— Менинг “Space Agro” лойиҳам “Инновацион ёшлар” дастури доирасида 200 минг АҚШ долларига баҳоланди, — дейди Андижон қишлоқ хўжалиги ва агротехнологиялар институти талабаси Мухаммадусмон Адашев. — Шундан 10 фоизли улуш сифатида 20 минг доллар миқдоридидаги маблағ лойиҳани шакллантиришга йўналтирилди. Ушбу лойиҳа қишлоқ хўжалигида ер унумдорлигини оширишдан тортиб, юқори ҳосил олишгача бўлган жараёни ўргатади. Мен бунга Ёшлар технопаркидаги имкониятдан унумли фойдаланиш орқали эришдим.

Ушбу масканда шу кунгача 82 та лойиҳа шакллантирилиб, маҳаллий ва халқаро танловларга тасвия этилди. Натижада 29 та лойиҳага 8,3 млрд. сўмлик инвестиция жалб қилинди.

Саминжон ХУСАНОВ («Халқ сўзи»).

Сенатор ва ҳаёт

АҲОЛИ МУРОЖААТЛАРИ ТИНГЛАНДИ

Парламент юқори палатасининг Халқро муносабатлар, ташқи иқтисодий алоқалар, хорижий инвестициялар ва туризм масалалари кўмитаси аъзоси, сенатор Жамила Бобоназарова Жиззах вилоятининг Шароф Рашидов туманида сайёр қабул ўтказди.

Туман Кенгаши депутатлари ҳам иштирок этган қабулда аҳолининг мурожаатлари ва тақлифлари атрофича кўриб чиқилди.

Хусусан, қабул жараёнида фуқаролар томонидан кўтарилган ижтимоий, ҳуқуқий ҳамда турмушга оид масалаларга алоҳида эътибор қаратилди.

Сайёр қабулда мурожаатларнинг ақсариятини жойида ҳал этиш чораларини кўриш билан бирга, уларнинг ечимини таъминлаш юзасидан мутасадди ташкилотлар билан ҳамкорликда амалий ёрдам кўрсатиш вазифалари ҳам белгиланди.

«Халқ сўзи».

Илҳом Туах иллияс:

ЎЗБЕКИСТОН КАТТА САЛОҲИЯТГА ЭГА ДАВЛАТ

Аллоҳ таоло бу буюк юртининг баракасини оширсин ва янада фаровон, янада ривожланган келажақ сари бошласин!

Албатта, мустақиллик ҳар қандай давлат учун ўз-ўзини англаш, халқаро майдонда эркин сиёсат юритиш, ривожланиш векторларини аниқлаб олиш нуқтаи назаридан жуда муҳим аҳамиятга эга. Мисол учун, Малайзияда энг муҳими йўналиш — қишлоқ хўжалигини ривожлантириш бўлиб, фақатгина бу йўналишда сезиларли ва етарли даражада ўсишга эришилгандан сўнггина ишлаб чиқариш, оғир ёки енгил саноат ва бошқа йўналишларга эътибор қаратилади. Малайзия мисолида, яна бир диққатга сазовор йўналиш — бу таълим йўналишидир. Сабаби, малакали ишчи кучини таъминлаш давлат бошқаруви учун муҳим ўрин туттади.

Барчамизга яхши аёнки, Ўзбекистон ўзининг табиий ресурслари, жумаладан, олтин, кумир ва газ захираларига бой ўлка ҳисобланиб, минтақада катта салоҳиятга эга давлатдир. Президент Шавкат Мирзиёев раҳбарлиги остида 2016 йилдан буюн Ўзбекистонда улкан ислохотлар олиб борилмоқда. Бу йўлда эришилаётган катта ижобий натижалар мамлакатнинг барқарор иқтисодий юксалишида намоён бўляпти. Жумладан, иқтисодиётнинг либераллашуви ва эркинлашуви, бизнес муҳитининг ривожланиши, ташқи инвестиция оқимининг ўсиши ва бошқалар бунга яққол мисол бўла олади. Охириги йилларда Ўзбекистонда кучли давлат сиёсати ва иқтисодий кўтарилиш кузатилаётганига қарамай, Президент турли секторларни янада ривожлантиришга эҳтиёж борлигини эътироф этиб, шунга яраша имкониятлар яратиб берапти. Умуман олганда, Ўзбекистонда Шавкат Мирзиёев раҳбарлиги остида комп-



лекс даражада фаол ички ва ташқи сиёсат олиб бориш жараёнини кузатмоқдамиз. Мамлакатда, хусусан, Тошкент ва Самарканд шаҳарларида ўтказиб келинаётган нуфузли халқаро конференция ва анжуманлар, юқори даражадаги бизнес форумлари бунинг яққол исботидир.

Энди бевосита Ўзбекистон етакчисининг мамлакатимизга таъшифи, эришилган аҳдномалар ва уларнинг ижроси масалаларига тўхталадиган бўлсак, таъкидлаш лозимки, таъшиф икки давлат ўртасидаги ҳамкорлигини янги даражага олиб чиқди. Ушбу таъшиф доирасида, Малайзия Бош вазири Анвар Иброҳим ва Ўзбекистон Президенти Шавкат Мирзиёев тор доирада ҳамда икки томон делегациялари иштирокида технология, илм-фан, бизнес, туризм, сунъий интеллект йўналишларини ва ўзаро инвестиция оқимини кучайтиришга қелишиб олдилар.

Бундан ташқари, Малайзиянинг “MIMOS” компанияси ва Ўзбекистоннинг “Uzeltexsanoat” компанияси ўртасида яримўтказгич технологияси йўналишида ҳамкорлик йўлга қўйилди. Қишлоқ хўжалигини ривожлантиришда, жумладан, Малайзиядан Ўзбекистонга пальма ёғи экспортини ошириш, бу соҳани ривожлантиришда етакчи корхоналар кўникма ва малакаларини бўлишиш масалалари ҳам муҳокама марказида бўлди. Бунинг учун Тошкентда “Малайзия — Ўзбекистон саноат зонаси”ни ташкиллаштиришга қелишиб олинди. Малайзиянинг нефть

ва газ йўналишида фаолият олиб боровчи “PETRONAS” компаниясининг Ўзбекистон бозорига кириши масалалари кўриб чиқилди. Шунингдек, олий таълим, туризм, айниқса, “зиёрат исломий туризм”, фуқаро муҳофаази хавфсизлиги йўналишларида ҳамкорлик масалалари йўлга қўйилди. Икки давлат раҳбарлари соғлиқни сақлаш, суд экспертизаси, маданият, олий таълим ва академик дипломатик ҳамкорлик, “ҳалол сертификатлаш” ҳамда боғжона соҳаларида учта меморандум ва битим билан алмашганларига ғувоҳ бўлдик. Шу йилнинг 13 майида Малайзиянинг “JAKIM” компанияси билан ҳалол сертификатлаш соҳасида ўзаро англашув нота-син имзоланди.

Ўзаро кўникма, билим ва малака алмаштиш мақсадида, жумладан, “ҳалол сертификациялаш” йўналиши бўйича Малайзиянинг тегишли компаниялари жорий йилнинг сентябрь ойида Ўзбекистонга таъшиф билан келиши кутулимоқда. Бу соҳаларда улар Ўзбекистон Республикаси Дин ишлари бўйича кўмитаси ҳамда Иқтисодиёт ва молия вазирилиги билан музокаралар олиб боришади. Сентябрь ойининг ўзида яна исломий банк йўналиши бўйича ҳам Малайзия Марказий банки делегацияси Тошкентга таъшиф буюради. Август ойининг охирида, аниқроғи, 26 — 28 август кунлари олий таълим бўйича ўзаро ҳамкорлик истиқболларини кўриб чиқиш, энг асосийси, ўзбекистонлик ёшларни мамлакатимизда ўқишга жалб этишга қаратилган тадбирда (“Universiti Pendidikan Sultan Idris”) қатнашиш мақсадида Малайзия таълим вазирининг таъшифи кутулимоқда.

Яқинда шахсан ўзим Малайзиянинг “AirAsia X” авиакомпанияси томонидан ташкиллаштирилган Куала-Лумпур — Тошкент янги ҳаво йўналишининг очили-

шига бағишланган тадбирда қатнашдим. Шубҳасиз, ҳаво қатновининг йўлга қўйилиши муносабатларимизда катта воқеалик ҳисобланади.

Малайзия қайта тикланувчи энергия соҳасида, айниқса, қуёш энергияси бўйича катта тажрибага эга. Ўзбекистон — муқобил энергетикани жадал ривожлантираётган мамлакат. Шу сабабли, биз қуёш ва гидроэлектр энергияси лойиҳалари раўнақи бўйича ҳамкорлик учун катта салоҳиятни кўрамиз. Айни пайтда, Малайзиянинг айрим компаниялари Қашқадарё вилоятига қизикши билдирмоқда. Улар вилоят ҳокими билан учрашишни режалаштирган ва у ердаги дарёлардан фойдаланган ҳолда 5 мегаваттдан кам бўлган кичик гидроэлектр станциялари қуриш имкониятларини ўрганмоқчи. Бизнинг энергетика бўйича компанияларимиз мутахассислари сентябрь ойида Ўзбекистонга таъшиф буюришни режалаштирган. Бу эса яқин келажақда кўплаб истиқболли ташаббуслар амалга оширилишини кўрсатади.

Қайта тикланувчи энергиядан ташқари бошқа кўплаб соҳаларда ҳам ҳамкорлик имкониятлари мавжуд. Улар қаторига ҳалол озиқ-овқат саноати, исломий молия, рақамли технологиялар, сунъий интеллект, стартаплар, кимё ва дори-дармон саноати, электроника ва электрон муҳан-дислик, тўқимачилик, ҳалол эко-

Ўзбекистоннинг салоҳияти бекиёёш ва мен кўплаб инвесторларнинг бу ерга киришга қизикши билдирётганини кўряпман. Албатта, яна шуни таъкидлаш керакки, бу ерда икки йил яшаб “бизнес этикаси” ҳали ҳам совет давридаги услубда эканини кузатдим. Бунинг ўзгариши маълум вақт талаб этишини тушунаман, аммо Ўзбекистон босқимча-босқич замонавий ва халқаро қабул қилинган бизнес амалиётга ўтишига умид қилиб қоламан. Сабаби, жаҳон жамоатчилигининг Ўзбекистонга эътибори кучли. Ҳар ой, ҳар ҳафта, ҳар кун бу ерга янги одамлар — бизнесменлар, инвесторлар ва ҳамкорлар келмоқда. Шунинг ўзиёқ, дунёда Ўзбекистонга нисбатан қизикши ошиб бораётганининг аниқ далилидир.

«Халқ сўзи».

Малакасини ошириш ва касбга қайта тайёрланиш истагидаги шахсларга қўшимча таълим олиш учун «касб ваучери» бериш тартиби жорий этилади.



Ифтихор

ВАТАН
ШАЪНИНИ
КЎТАРМОҚ
ШАРАФ

Бугун жаҳон ареналарида Ватанимиз байроғини баланд кўтариб, юртимиз довруғини таратадиган ёшларни тарбиялаш давлат сиёсати даражасига кўтарилган. Шу бoис спорт соҳасида юксак муваффақиятларга эришилмоқда.

Ёшлигимдан энгил атлетиканинг баландликка сакраш тури билан шуғулланиб келаман. Аввал туман, кейинроқ вилоят доирасидаги турли мусобақаларда иштирок этиб, совринли ўринларни эгалладим. Бу мени ўз устимда янада кўпроқ ишлаш ва меҳнат қилишга руҳлантирди — юксак натижалар, жаҳон шоҳсупалари сари қатъий ҳаракат қилдим.

Натижа ҳам кўп куттирмади: ўтган йиллар давомида умумий ҳисобда 20 маротабадан ортиқ мамлакат чемпиони, уч қара Осиё чемпиони бўлдим. Кўплаб халқаро турнирларда юртимиз байроғини баланд кўтариш бахти насиб этди. Хусусан, 2020 йилнинг октябры ойда Кувейт давлатида бўлиб ўтган 18 ёшгача ёшлар ўртасида Осиё чемпионатида яна аввалги натижани такрорлаб, шоҳсупанинг энг юқори поғонасига кўтарилиш насиб этди.

Яқинда Финляндияда бўлиб ўтаётган “Continental tour BRONZE” турнирида 185 сантиметр натижа билан бронза медали соҳиби бўлдим.

Яна бир эътиборга молик муваффақият: давлатимизнинг биз, спортчи ёшларга яратиб берган имкониятлари асосида Тошкент давлат жисмоний тарбия ва спорт университетида имтиёзли асосда ўқишга кирдим. Албатта, бундай ғамхўрлик ва кўллашлар мени янада юксак марралар сари бошлайверади. Келгусида ҳам жаҳоннинг энг нуфузли ареналарида юртимиз байроғини баланд кўтаришни мақсад қилганман.

Барнохон САЙҒУЛЛАЕВА.

Касби тумани

Истиқбол

Денов туманидаги 1-ихтисослаштирилган мактабни тавомладим. Устозларимнинг кўп йиллик меҳнати ва интилишларим самараси ўлароқ, бу йил мен учун унутилмас янгиларга бой бўлди: STEAM фанлари бўйича танловда ғолиб бўлдим, АҚШнинг нуфузли Вингейт университетида қабул қилиндим. 27 минг долларлик халқаро грантини кўлга киритдим. Энг хурсанд қилгани —

муддатидан олдин талабалик бахтига мушарраф бўлдим.

Бу мен каби минглаб Ўзбек ёшлари учун яратилаётган имкониятлар самарасидир. Шу кунларда юртимизда ўқувчилар ҳамда талабаларнинг иш билан таъминланиши ва касбий ривожланиши учун лойиҳалар режалаштирилмоқда. Турли касб йўналиши бўйича ёшлар ўртасида республика мусобақалари ўтказилади. Бунда давлат корхоналари ва хусусий сектор вакил-

лари бирдай иштирок этади. Ёшларга қаратилаётган эътибор, уларнинг билим олиши, иқтидорини рўёбга чиқариши учун яратилаётган шароитлар ҳар бир ёшнинг руҳлантирмоқда, қанот бағишламоқда.

Бугун ғурур билан айта оламан: мен янги Ўзбекистон фарзанди! Оруларим, мақсадларим давлат сиёсати марказида турибди. Шу мунавав йўлда мен ва менга ўхшаган минглаб ёшларга ишонгани, имконият бергани учун халқимизга, Президентимизга чуқур миннатдорлик билдираман!

Чиндан-да, олдимизда буюк мақсадлар, улкан имкониятлар

ИШОНЧ — ЮКСАК МАРРАЛARGA ҚАНОТ

Ҳар йили 12 августда нишонланадиган Халқаро ёшлар куни мен учун бу сафар бошқача туюлди. Уни фақат байрам эмас, балки орзу-интилишларим сари ташланган илк жиддий қадам сифатида кутиб олдим.



Туйғу

Мени шоир
қилган
эртақлар

Болаликда севардим қорни
Сирпанмақоқ йўллари билан.
Кучоқлардим ҳар гал баҳорини
Совуққотган қўлларим билан.

Ҳали-ҳануз қалбда муҳаббат —
Соғинаман эртақларимни,
Айланаомай гулга, оқибат
Қолиб кетган куртақларимни.

Танчадаги эски чироқда
Товланарди Чамбил чамани.
Яқин келар эди йироқдан
Гўрўғлининг суюк Ватани.

Қиш тунисида Кўҳи Қоф томон
Хотиралар ҳануз етаклар.
Раҳмат, дейман шунда, танчажон,
Мени шоир қилган эртақлар!

Абдулла ШЕР,
Ўзбекистон халқ шоириДУНЁГА БЎЙЛАШМОҚ
САОДАТИ

Янги Ўзбекистонда ёшларнинг барча орзу-рўёбга чиқиши, халқаро миқёсда ўз ўрнини топиши учун ҳамма имконият бор. Президентимиз ташаббуси билан очилган “Эл-юрт умиди” жамғармаси айна шу мақсад йўлида фаолият кўрсатмоқда. Шу билан бирга, илмга чанқоқлик, меҳнатсеварлик, яхши хулқ ва тарбия инсонни эзгу мақсадларига етказди.



Ибрат

Ўзимдан қиёс. Интилишларим самараси ўлароқ Туркияда таълим олиш бахтига мушарраф бўлдим. Бурдур Меҳмет Акиф Эрсой университети магистратурасида ўқиш мен учун янги дунё эшикларини очди. Виртуал маслаҳат, мураккаб операциялар, электрон сабоқ, доимий синнов. Олдий талабадан тортиб таниқли профессорга — барчаси изланишда, фикру хаёли муаммолар илдизиди. Нафақат ўқийдиган, балки фикрлайдиган кишилар даврасига кириб қолдим.

Туркияда “Эрасмус мундус” стипендиясига топширдим. Юқори натижа олдим, аммо шу орада коронавирус пандемияси бошланиб қолди: у қачон тугайди, дунё қачон тинчиди, ҳеч ким билмасди. Иш топиш ниятида муттасил эълон бера бошладим. Ахир чеклов кучли бўлса-да, қорвачилик фермалари ишлапти, бусиз мумкин эмас. Шу орада Даниядан тақдиримизни Ватанимиздан айро тасаввур қила олмаймиз. Мен ўзим илк қадам сифатида Ўзбекистон фермерлари кенгаши билан виртуал боғланиб, соҳа ривожига оид ғояларни лойиҳалар, тақдирларни билдирдим. Ўзим ўқиган Самарқанд давлат ветеринария медицинаси, қорвачилик ва биотехнологиялар университети ректори, устозим профессор Худойназар Юнусовнинг кўмаги билан бугун Европада 30 нафардан зиёд талабалар ҳам ўқиб, ҳам ишлаяпти. Бундан ташқари, янги бир лойиҳа — Швецияда Ўзбек мактабини очиниш кўзлашган. Бунга талаб бор, чунки бу мамлакат иқтисодий ва қўйинчиликлардан кўрқмайдиган ўзбекистонлик ёшлар учун ўз бағрини очмоқда.

Баҳодир ТИЛЛАБОВ,
«Dairysoft» компанияси асосчиси.БУГУНГИ КУНЛАРНИНГ
ЙЎРИГИ БОШҚА...

Маҳалламиздаги тенгқур-тенгдош, бирга ўсган, бир синфда ўқиган дўстларимиз билан учрашиб, суҳбатлашиб қолсак, албатта, болалик ва ёшлик чоғларимизни эслаймиз. Ўша пайтларда бошимиздан кечган воқеаю ҳодисаларни хотирлар эканмиз, у замонлардаги қишлоқ ҳаёти, турмуш даражаси, айниқса, ёшларнинг яшаши, ўқиш ва илм олиши учун яратилган шарт-шароитлар бугунгидан тубдан фарқ қилиши борасида фикр юритиб, тилимиз ва дилимизда беихтиёр Яратганга шукрона пайдо бўлади.

Шукрона

Иккинчи жаҳон урушидан кейинги ўн йилликдаги халқ ҳўжалигининг тикланиш давридаги қийинчиликлару етишмовчиликлар тўғрисида гапирсак, ҳозирги авлод вакиллари буни бир эртақ каби тушунади, ишонишмайди.

Масалан, биз мактабнинг 1-синфи пайтидан тушгача ўқисак, шундан сўнг кечгача пахта йиғим-теримида катнашардик. Бўйимиз ғўза-пояга аранг етар, қора меҳнатдан юзимиз қораяр, қўлларимиз қадқ бўлиб кетарди.

Бошланғич таълимни тугатганимиздан кейин ҳам кундузи-кундуз, кечани-кеча демай пахта теримида жалб этилганимиз ҳали-ҳамон эсимда. Минг шукр, у кунлар ортда қолди.

Мустақил Ўзбекистонимиз-

да ҳозирги ёшлар учун яратилаётган шароитларни бизнинг ёшлигимиздаги аҳвол билан асло тенглаб, қиёслаб бўлмайди. Бугунги дориламон кунларимиз, улкан имкониятларга бир қаранг! Мактаблар замонавий, олийгоҳлар бир-биридан кўркам, ҳар қадамда ошхона, тўкин-сочилик... Биз, кексалар эса бугунги кунлар ва эртанги нурафшон ҳаёт учун дуодамиз.

Албатта, келажагимиз эгалари, қорақўз фарзандларимиз ҳам бундай ғўзал ва фаровон кунлар қадрига етиб, жонажон Ватанимизга муносиб фарзанд бўлишга ҳаракат қилишса, нур устига нур бўлажак.

Қадамбой ШОДОНОВ,
Шовот туманидаги «Кумёп» МФЙ фаоли.

ҲАММАСИ ЎЗ ҚЎЛИМИЗДА

Ёшлик — инсон ҳаётидаги энг ғўзал ва унутилмас давр. Бу вақтда инсон ўз мақсадлари йўлида илк қадамларини қўяди, орзуларини рўёбга чиқариш учун интилади, изланади ва ҳаракат қилади. Ёшларга эътибор, ғамхўрлик олиб борилаётган сиёсатнинг энг устувор йўналишига айланган мамлакатда бундай эзгу умид ва интилишлар

ўз самарасини бермай қолмайди, албатта. Тенгдошларим ҳар соҳада кўлга киритаётган ютуқлар ана шу ғамхўрликнинг ёрқин ифодасидир. Айниқса, илмий ишланмалар, стартап лойиҳалар, инновацион ғоялар кўллаб-қувватланмоқда. Бу ёшларни илмий изланишларга, янгилари яратишга илҳомлантирмоқда.

Интилиш

Мен ҳам шу имкониятлар замирида янги бир ихтиро устида иш олиб борапман. Жамиятимизнинг эътибор талаб этувчи қатлами — кўзи охири инсонлар ҳаётини энгиллаштириш мақсадида “Электрон ҳасса” яратиш ғояси туғилди. Бу ихтиро йўлда хавфсиз ҳара-

катлиани имкониятини берувчи замонавий қурилмадир. “Электрон ҳасса”нинг асосий афзалликлари — у тўсиқларни олдиндан аниқлаб, овозли сигнал ёки титроқ орқали фойдаланувчини оғохлантиради. Қурилмадаги ультратовуш датчиклари ёрдамда 1,5 — 2 метр масофадаги ғовларни аниқлаш мумкин. Шунингдек, қурилма “GPS” ва навигация

тизими билан жиҳозланган бўлиб, махсус иловалар орқали инсоннинг йўналишини белгилаб, ҳатто зарурат бўлганда яқинларига унинг жойлашуви ҳақида маълумот юбориши мумкин. Бу технология ёрдамида кўзи охири фуқароларимиз жамоат жойларида, кўчаларда ўзларини хавфсиз ҳис этиб, мустақил ҳаракатланиш имкониятига эга бўлади.

БИЛИМ, ИШТИЁҚ, ТАСАВВУР САМАРАСИ

Ватанимиз мустақилликка эришгандан сўнг ҳунармандчиликнинг барча соҳаси қатори заргарликка ҳам янада кенг йўл очилиб, заргарлик санъат даражасига кўтарилди, турли қийматликдаги металллардан фойдаланишга имкон яралди. Айни кунда уста заргарлар икки хил: маҳаллий унутилиб борилаётган аъёнларни қайта тиклаш ҳамда замонавий услублар йўналишларида самарали меҳнат қилмоқда.

Шижоат

Халқимиз “Ёшлиқда олинган билим тошга уйилган нақш кабир”, деб бежиз айтмаган. Биз ҳам эсимизни таниганимиздан ҳунар ўрганиб кам бўлмадик. Энг муҳими, ёшлиқда хос қизиқиш, иштиёқ, тасаввур кўп нарсани ҳал қилади. Айниқса, заргарликда. Ҳозиргача тақинчоқ ва тилла буюмларнинг ўндан зиёда асл нусхасини яратишга муваффақ бўлдим. Заргарликда унутилган босма, филигран ҳамда иссиқ эмал

технологиясини қайта тиклашга эришдим. Меҳнатларим эвазига ЮНЕСКОнинг “Сифат белгиси” сертификатига муносиб қўрилдим. Бугун зардўзлар заргарлар, мусаввиру каштачилар билан суҳбатлашсангиз, барчаси шундай тинч ва фаровон юрдада яшаётганимизга шукрона айтади. Ҳунарманднинг елкасига офтоб теги, дейди. Чиндан ҳам шундай. Халқ амалий санъати усталарининг қадами етмаган жой қолмади, десак, адашмаймиз. Ўзим ҳам Франциянинг Верден-сюр-Гарона шаҳрида ўтказилган “Ўзбекистон бойлиги.

Буюк Ипак йўлида” деб номланган маданият фестивалида қатнашдим. У ерда Ўзбек халқ амалий санъатига қизиқишни кўриб, соҳанинг ён бир вакили сифатида фахр туйдим.

Очиги, суйган ҳунарим билан лоақал бир кун шуғулланмасам, ниманидир йўқотиб қўйгандек бўламан. Ўйлаб қарасам, ҳунарнинг оҳанрабои бор. Махсусотларимиз дунёнинг машҳур музейларида, шахсий коллекциялардан ўрин олган. Бу менга шу юрт фарзанди сифатида ғурур бағишлайди.

Мамлакатимизда халқ амалий санъати усталари учун яратилган қўлайликларга ҳунар сирларини янада пухта эгаллаш, юртимизнинг бой маданий меросини дунёга кўз-кўз этиш билан жавоб қайтараман.

Шодмон САЙДУМУРОВ,
заргар.

Бухоро шаҳри

Эндиликда спорт ҳакамларига малака тоифасини бериш хизмати проактив тарзда кўрсатилади.

Халқ сўзи
Народное словоМУАССИСЛАР:
Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 842. 10 709 нусхада босилди, ҳажми — 3 табоқ. Офсет усулида босилган. Қозғоқ бичими А—2. Баҳоси келишилган нархда.

ТЕЛЕФОНЛАР:
Девонхона 71-259-74-51; қотибхона 71-259-74-53;
эълонлар 71-259-74-87.



Таҳриратта келган қўлашмалар тақриз қилинмайди ва муаллифга қайтарилмайди.
Газетанинг сўзлаб берилиши учун обунани расмийлаштирган ташкилот жаавобгар.
Газета таҳририят компьютер терминал ҳамда оператор М. Бегмуратов томонидан саҳифаланади.
Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул.
Босмахона телефони: 71-233-11-07.

• МАНЗИЛИМИЗ:
100066,
Тошкент шаҳри,
Ислом Каримов кўчаси, 55-уй.

Набатчи муҳаррир — Ҳ. Қаршиев.

Мусаҳҳих — С. Исмолов.

“Шарқ” нашриёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА якуни — 21.50 Топширилди — 23.55 1 2 3 4 5 6